

Pravi ljudi za vaše poslovanje




Schweizerische Eidgenossenschaft
Confédération suisse
Confederazione Svizzera
Confederaziun svizra

Swiss Agency for Development
and Cooperation SDC




YOUTH
EMPLOYMENT
PROJECT



Svjesni potreba poslovnog sektora, počeli smo da gradimo savremenu Službu za zapošljavanje i naš ključni prioritet je izgradnja povjerenja sa poslodavcima. Pružite nam ruku saradnje, a mi ćemo učiniti sve da ispunimo Vaša očekivanja.





ŽELIMO DA POSTANEMO KLJUČNI PARTNER POSLODAVACA

JU Služba za zapošljavanje Kantona Sarajevo uvodi novi organizacioni model sa jasnom podjelom između evidentičarskih i savjetodavnih poslova, kako bi unaprijedili kvalitet funkcije savjetovanja i posredovanja u zapošljavanju kao i odnose sa poslodavcima.


Želimo da se organizujemo i kadrovski transformišemo u službu čija će centralna funkcija biti visokorazvijena i kvalitetna funkcija posredovanja. Cilj nam je razvijanje partnerskog odnosa sa poslodavcima iz našeg okruženja, radi uspostavljanja povjerenja, saradnje, i razmjene informacija, posebno o potrebama poslodavaca za angažovanjem radne snage.

“

„Očekujemo od Službe za zapošljavanje Kantona Sarajevo da nam na naš zahtjev ponudi kvalitetnu radnu snagu koja je stručna, ima radno iskustvo ili potencijal koji mi, kao poslodavci, možemo dalje razvijati.“

JUB Design Studio d.o.o.





MIKSOM USLUGA ŽELIMO DA VAM PRUŽIMO MAKSIMALNU MOGUĆU PODRŠKU

Nastojimo da prepoznamo poslodavce čije je poslovanje u skladu s najvišim etičkim normama i koji svojim društveno odgovornim poslovanjem doprinose razvoju lokalne zajednice, kao i razvoju Kantona Sarajevo. U lepezi naših usluga koje podrazumijevaju objavu oglasa, predselekciju kadrova i finansijsku podršku, naši savjetodavci određuju odgovarajući miks usluga za svakog pojedinačnog poslodavca, kako bi među nezaposlenim ženama i muškarcima odabrali one koji na najbolji način mogu odgovoriti potrebama, misiji i viziji uspješnih poslodavaca.


“

„Saradnja koju ostvarujemo sa Službom za zapošljavanje Kantona Sarajevo je višestruka, od oglašavanja radnih mjesta kada otvaramo nove objekte u gradovima širom BiH, pa do učešća i odobravanja novčanih sredstava u okviru programa sufinansiranja. Kontinuirano zapošljavamo visokoobrazovane mlade osobe bez radnog iskustva, kojima pružamo priliku da svoje prve korake u poslovnom okruženju naprave upravo u našoj kompaniji. Naša praksa je da svima njima, ukoliko se pokažu vrijednim članovima tima, ponudimo i zaposlenje nakon isteka pripravničkog staža.“

Konzum d.o.o.



Fotografija: Konzum d.o.o.




ZA VAŠE UPRAŽNJENE POZICIJE ŽELIMO DA OBEZBIJEDIMO NAJKVALITETNIJE KADROVE

Za nas je pokazatelj uspostavljenog povjerenja Vaša prijava potrebe za radnicima, odnosno oglas koji objavljujete putem naših kanala (internetska stranica i oglasne ploče biroa). Naši savjetodavci ili šefovi biroa pomoći će Vam da odredite potrebne kvalifikacije, osobine, znanja i vještine traženog radnika, odnosno opis i karakteristike radnog mesta, ali i oblik ugovora o radu. U popunjavanju upražnjenog radnog mesta nudimo Vam najveću bazu podataka o osobama koje traže zaposlenje prema Vašim specifičnim zahtjevima. Savjetodavci će se pobrinuti da brzo pronađete traženog radnika u Vašem preduzeću ili obrtu.


“

„Potrebno je razdvojiti aktivne tražioce posla, kako bi se omogućilo posredovanje isključivo za one osobe koje zaista traže posao. Poslodavci često ni sami ne znaju definisati svoje potrebe, te im je neophodna pomoć savjetodavaca (agenti) iz općinskih biroa za zapošljavanje u definisanju potreba, kao i njihova uključenost u kreiranje strategije razvoja preduzeća. Na osnovu kreiranih profila kompanija koje bi službe za zapošljavanje imale u svojoj bazi, bilo bi moguće adekvatno usmjeriti podsticajne mjere, ali još važnije - stimulisati upisnu politiku.“

Ečo Company d.o.o.



Fotografija: Ečo Company d.o.o.



ZA VAS MOŽEMO OBAVITI TESTIRANJE I ODABIR KANDIDATA

Na osnovu razgovora sa poslodavcima utvrđuju se potrebne kompetencije za određeno radno mjesto. Nakon toga vrši se odabir kandidata na osnovu ispitivanja sposobnosti, ličnih karakteristika, interesa, motivacije i, prema potrebi, ispitivanja specifičnih znanja. Naši savjetodavci mogu da provedu predselekciju i profesionalno testiranje kandidata, kako biste dobili osobe koje najbolje odgovaraju vašim kriterijima.

Prema potrebi poslodavca, u mogućnosti smo Vam ustupiti naše prostorije za obavljanje razgovora sa kandidatima.




„Saradnja koju smo u Argeti d.o.o. ostvarili sa Službom za zapošljavanje u selekciji mladih kadrova i učešćem u programima Službe ispunila je naša očekivanja, te se nadamo njenom uspješnom nastavku i podršci unutar zajednice poslodavaca u Kantonu. U budućnosti, u našoj kompaniji rado bismo pružili priliku za rad i stručno usavršavanje mladima koji učestvuju u efikasnim aktivnim mjerama, kao što je i Klub za traženje posla.“

Atlantic Grupa, Argeta



Fotografija: Atlantic Grupa, Argeta



PRUŽAMO FINANSIJSKU PODRŠKU ZA POVEĆANJE STOPE ZAPOSLENOSTI

JU Služba za zapošljavanje Kantona Sarajevo, u saradnji sa nadležnim ministarstvima na kantonalm i federalnom nivou, provodi i finansira intervencije usmjerenе na povećanje zapošljivosti radnika. Takve mjere obično uključuju: pomoć u traženju posla, obuke, subvencije poslodavcima za otvaranje novih radnih mesta i podršku samozapošljavanju. Zavisno od raspoloživih sredstava, ali i od utvrđenih prioriteta politika, provode se različite aktivne mjere, a naši savjetodavci imaju zadatak da na njih upućuju osobe ili privredne subjekte koji ispunjavaju uslove da budu uključeni, ali i one na koje će te mjere imati najviše efekta.




„Zahvaljujući pomoći Službe za zapošljavanje Kantona Sarajevo u sufinansiranju zapošljavanja, mi smo nakon isteka programa zaposlili u stalni radni odnos 90% mladih osoba koje su učestvovale u programu. Biroi za zapošljavanje trebalo bi da imaju specijalizovane savjetodavce za saradnju sa poslodavcima s ciljem identifikacije njihovih budućih potreba, a aktivne mjere zapošljavanja mogu da utiću na otvaranje većeg broja radnih mesta.“

Alem sistem d.o.o.



Fotografija: Alem sistem d.o.o.



VAŠE MIŠLJENJE NAM JE IZUZETNO VAŽNO

Radi obezbjedivanja potrebne radne snage, ali i razvoja očekivanih usluga JU Službe za zapošljavanje Kantona Sarajevo, treba osigurati tražene stručne profile radnika te utvrditi potrebu za obukom i osposobljavanjem, dokvalifikacijom, prekvalifikacijom i zapošljavanjem ciljnih grupa nezaposlenih osoba (npr. mladih). Za smanjenje strukturne neravnoteže potrebne su nam srednjoročne i dugoročne procjene, kako bismo u komunikaciji s obrazovnim institucijama uticali na usklađivanje ponude obrazovnog sistema i potreba tržišta rada. Također, izuzetno nam je značajno unapređenje načina pružanja usluga, što možemo postići samo direktnom provjerom Vašeg zadovoljstva pruženim uslugama, a na osnovu toga želimo da prilagodimo usluge i način njihovog pružanja potrebama klijenata.




„Ljudski resursi uvijek su predstavljali značajan faktor za uspješan razvoj i poslovanje našeg kolektiva. Svjesni smo da su educirani mlađi kadrovi i jasno postavljeni ciljevi kombinacija koja donosi uspjeh u budućnosti, te nam je profesionalan poslovni odnos sa Službom za zapošljavanje, koja nam pomaže da slobodna radna mjesta popunimo stručnim i motiviranim kandidatima, veoma važan.“

Fabrika duhana Sarajevo d.d.



Fotografija: Fabrika duhana Sarajevo d.d.



VAŠ PARTNER U POSREDOVANJU

Želimo da savjetodavci u devet biroa Kantona Sarajevo budu prepoznati kao stručnjaci koji poznaju lokalnu ekonomiju i koji mogu da pruže odgovarajuću podršku Vašem poslovanju, cijeneći da Vi razumijete Vašu kompaniju bolje od drugih.

Recite nam kako želite da radite.
Recite nam šta je važno za vas.
Recite nam kako možemo da pomognemo.

“

*„Stalno smo u potrazi za kvalitetnom i iskusnom radnom snagom koju možemo zaposliti u našem hotelu , a mi se trudimo razvijati njihove kompetencije i vještine.
Želimo koristiti usluge posredovanja u zapošljavanju kako bismo osigurali najbolje moguće kadrove za uspješno poslovanje naše kompanije.,,*

Hotel Hollywood



Fotografija: Hotel Hollywood



Reforma Službe za zapošljavanje Kantona Sarajevo provodi se uz podršku Švicarske agencije za razvoj i saradnju (SDC), u okviru Projekta zapošljavanja mladih (YPE).

KONTAKTIRAJTE NAS



*JU Služba za zapošljavanje
Kantona Sarajevo*

*Odjeljenje za posredovanje u
zapošljavanju*

*033 / 644-670, 649-715, 652-715
posredovanje@juszzks.com.ba i*

*Kabinet direktora JUSZZKS
033 / 569-100, 251-260, 204-177
direktor@juszzks.com.ba*

www.juszzks.com.ba